



## Saopćenje za javnost

**PIONIRSKO PARTNERSTVO: KLIMATSKE AKCIJE I NOVE INICIJATIVE NA BALKANU*****Inicijativa ujedinjuje vodeće institucije u oblasti održivosti i istraživanja u borbi protiv klimatskih promjena u regionu***

SARAJEVO/DOHA, 19. mart 2024. – Zaljevska organizacija za istraživanje i razvoj (The Gulf Organisation for Research and Development - GORD), njen Klimatski akcioni centar izvrsnosti (Climate Action Center of Excellence - CACE), Univerzitet u Sarajevu – Ekonomski fakultet, Ekonomski institut Sarajevo i kompanija RIMOR su zajedno potpisali Memorandum o razumijevanju (MOU) kako bi poboljšali saradnju u akademskim, istraživačkim i konsultantskim aktivnostima kroz održivost, menadžment, industriju i trgovinu.

Navedeni Memorandum o razumijevanju uspostavlja okvir za saradnju, uključujući razmjenu istraživača i stručnjaka, kreiranje dualnih i zajedničkih diplomskih programa i provođenje zajedničkog istraživanja i konsaltinga. Cilj ove saradnje je da se podstakne saradnja između navedenih institucija, poboljšavajući njihov odgovor na izazove klimatskih promjena te je usmjeren i na proširenje akademskih programa, razmjenu znanja i izgradnju kapaciteta, povećavajući vidljivost CACE-a na Balkanu. Partneri će također olakšati uključivanje lokalnih vlasti u Pariški sporazum, naročito kad je u pitanju Član 6. koji okuplja javni i privatni sektor kako bi se kreirali projekti koji promoviraju razvoj uz smanjenje proizvodnje ugljika.

Dr. Yousef Alhorr, osnivač GORD-a, rekao je da potpisani Memorandum o razumijevanju utjelovljuje „našu kolektivnu odlučnost da iskoristimo moć saradnje kako bismo uveli održivu budućnost. Zajedno smo spremni da pokrenemo inovacije, podijelimo mudrost i potaknemo akciju prema zelenijem, otpornijem svijetu.”

Također, Alexandra Soezer, direktorica Centra (Climate Action Center of Excellence - CACE), rekla je da inicijativa ima veliki potencijal za pokretanje suštinskih promjena: "Kroz ovo partnerstvo, cilj nam je da prevaziđemo tradicionalne granice, koristeći našu kombinovanu stručnost za unapređenje klimatskih akcija i održivih praksi", navela je.

Bakir Kalajdzisalihović, izvršni direktor RIMOR-a, rekao je da je kompanija oduševljena što će udružiti snage s drugima u ovom ključnom poduhvatu: "Zajedno imamo priliku da postavimo nova mjerila u održivosti i klimatskim akcijama," naveo je, " tako značajno unapređujući našu zajedničku misiju ublažavanja utjecaja klimatskih promjena i doprinosa održivoj budućnosti za sve."

**O Zaljevskoj organizaciji za istraživanje i razvoj (GORD) i Klimatskom akcijskom centru izvrsnosti (CACE):** GORD je vodeća organizacija posvećena promicanju održivosti i borbi protiv klimatskih promjena kroz istraživanje, razvoj i inovacije. Sa sjedištem u Kataru, GORD vodi CACE, centar izvrsnosti fokusiran na unapređenje klimatskih akcija i inicijativa za održivost širom svijeta.



**O Univerzitetu u Sarajevu—Ekonomskom fakultetu:** Ekonomski fakultet Univerziteta u Sarajevu je najstarija i najveća visokoškolska ustanova iz oblasti ekonomije i menadžmenta u Bosni i Hercegovini. Ova visokoškolska ustanova koja je osnovana 1952. godine jedina je visokoškolska ustanova u Bosni i Hercegovini sa dvije prestižne međunarodne akreditacije te je na čelu ekonomskog obrazovanja i istraživanja.

**O Ekonomskom institutu Sarajevo:** Osnovan 1961. godine, Ekonomski institut Sarajevo raspolaže opsežnim kapacitetima skoro 100 istraživača, uključujući mlade istraživače i istraživače sa Ekonomskog fakulteta Univerziteta u Sarajevu. Ova saradnja omogućava Institutu da preduzme najsloženije naučnoistraživačke projekte, jačajući svoju konkurentsku prednost u ovoj oblasti.

**O RIMOR-u:** RIMOR je na čelu inicijative održivosti, posvećen podršci privatnom i javnom sektoru u postizanju njihovih klimatskih ciljeva. Otvarajući put ka certifikaciji kredita za ugljen-dioksid (CO<sub>2</sub>) i olakšavanju kompenzacije emisija na Zapadnom Balkanu, RIMOR je jedan od ključnih igrača u postizanju inovativne održivosti regiona.

Univerzitet u Sarajevu – Ekonomski fakultet